



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ignis Holocausti Sev Affectus Ex Divinis literis, & Sanctis
Patribus collecti, Quibus animus Sacerdotis ad piè,
feruenterq. celebrandum disponatur**

Poiré, François

Romæ, 1639

Die Veneris Ad Christum acceda[m] vt Saluatorem. Ante Missam.

[urn:nbn:de:hbz:466:1-53152](https://nbn-resolving.org/urn:nbn:de:hbz:466:1-53152)



DIE VENERIS

Ad Christum accedā
vt Saluatorem.

ANTE MISSAM.

Directio Intentionis.

Deus cæli, & terræ. fol. 60.
Ego volo celebrare Missam.
fol. 84.

Contritio cordis.



V O M O D O
nos ama-
sti, Pater
bone, qui
proprio fi-
lio non pepercisti, sed
I s pro

S. Aug.
lib. 10.
Conf. c.
43.

202 *Die Veneris*

pro nobis omnibus tra-
didisti eum? Quomodo
nos amasti, pro quibus
ille, qui non rapinam
arbitratus est esse se
æqualem tibi, factus
est subditus vsque ad
mortem crucis? Vnus
ille in mortuis liber,
potestatem habens po-
nendi animam suam, &
potestatem habēs ite-
rum sumendi eam, pro
nobis tibi victor, & vi-
ctima, & ideò victor,
quia victima: pro no-
bis tibi Sacerdos, & sa-
crificium, faciens tibi
nos de seruis filios de-

te

Contritio cordis. 203

te nascendo, nobis fer-
uendo. Meritò mihi
spes valida in illo est,
quòd sanabis omnes
languores meos per eū,
qui sedet ad dexteram
tuam, & te interpellat
pro nobis, alioquin
desperarē. Multi enim,
& magni sunt iidem
languores mei; multi
sunt, & magni: sed ma-
ior, & amplior est me-
dicina tua. Potuimus
putare Verbum tuum
remotum esse à coniū-
ctione hominis, & de-
sperare de nobis nisi
caro fieret, & habita-

204 *Die Veneris*

ret in nobis. Conterri-
tus peccatis meis, &
mole peccatorum, &
miseriæ meæ agitaue-
ram in corde, medita-
tusque fueram fugam
in solitudinem, sed pro-
hibuisti me, & confir-
masti me dicens: Ideò
pro omnibus Christus
mortuus est, vt qui vi-
uunt iam non sibi vi-
uant, sed ei, qui pro
ipsis mortuus est. Ecce
Domine, iacto in te
curã meam, vt viuam,
& considerabo mirabi-
lia de lege tua. Tu scis
imperitiam meam, &
infirm

Contritio cordis. 205
infirmi-
& tatem meam;
& doce, & sana me. Ille
e- tuus vnicus, in quo
a- sunt omnes thesauri
m- sapientiæ, & scientiæ
o- absconditi, redemit me
r- sanguine suo. Non ca-
e- lumnientur mihi su-
us perbi, quoniam cogi-
vi- to pretium meum, &
vi- manduco, & bibo, &
ro- erogo, & pauper cupio
ce- saturari ex eo, inter il-
e- los, qui edunt, & satu-
r- rantur, & laudabunt
1, Dominum, qui requi-
vi- runt eum. Si ergo me
is pro mea, vt dignum
& est, despicias iniquita-
te,

*S. Aug.
Medit.
cap. 8.*

206 *Die Veneris*

te, respice me faltem
misericors pro dilectæ
sobolis caritate. At-
tende in filio, quo pro-
pitieris seruo. Multum
namque est quod mea
meretur impietas, lon-
gè autem maius quod
mei Redemptoris re-
poscit iure pietas. Ma-
gna enim est mea in-
iustitia, satis verò ma-
ior Redemptoris iusti-
tia. Quanto namque
est superior Deus ho-
mine, tantò mea mali-
tia est inferior eius bo-
nitate in qualitate, &
quantitate. Quid enim
deli-

Contritio cordis. 207

deliquit homo, quod
nō redemerit filius Dei
factus homo? Quæ
tāta superbia tumeret,
quam non tanta humi-
litas sterneret? Quod-
nam tantū mortis im-
perium, quod Nati Dei
non destrueret crucis
supplicium? Nimirum,
Deus meus, si æqua-
lance delicta peccantis
hominis, & redimen-
tis gratia librentur au-
toris, non tantūm O-
riens ab Occidente,
seu inferior separatur
infernus à summo cœ-
li cardine. Iam lucis
opti-

opti-

208. *Die Veneris*
optime creator, iam
culpīs ignosce meis
pro dilecti Filij tui la-
boribus immensis. Iam
eius quæso pietati mea
impietas, eius mode-
stia mea peruersitas, &
eius mansuetudini mea
condonetur ferocitas.
Iam eius humilitas mea
superbiam, patientia
impatientiam, benigni-
tas duritiam, obedi-
tia inobedientiam, trā-
quillitas inquietudinē,
dulcedo amaritudinē;
suauitas irā, caritas lu-
crifaciat crudelitatem.

Desi-

Desiderium, & Amor.

TV autem, susce-
ptor meus, ne
auertas faciem tuam
à puero tuo. Dixisti *Joan. 12.*
enim, Et ego si exalta-
tus fuero à terra, om-
nia trahã ad meipsum:
& rursus, Si quis sitit *Cap. 7.*
veniat ad me, & bibat.
Aperi mihi fontem *S. Bonav.*
aquæ viuæ, vt bibam *Seimule*
& infundatur ariditas *p. 3.*
cordis mei. Transfige,
dulcissime Domine Ie-
su, medullas, & viscera
animæ

110 *Die Veneris*

animæ meæ, suauissimo,
ac saluberrimo
amoris tui vulnere, vera,
serenâque, & Apostolica
sanctissima caritate, vt
langueat, & liquefiat
anima mea solo semper
amore, & desiderio tui.
Te concupiscat, & deficiat
in atriâ tua: cupiat dissolui,
& esse tecum: Da vt
anima mea te esuriant
panem Angelorum, refectionem
animarum sanctarum, Panem
nostrum quotidianum, super
substantialem, habentem
omnem

Desid. & Amor. 211

nem dulcedinem, sa-
porem, & omne dele-
ctamentum suauitatis.
Te, inquam, in quem
desiderant Angeli pro-
spicere, semper esuriat,
& comedat cor meum,
& dulcedine saporis tui
repleantur viscera ani-
mæ meæ. Te semper
mens mea sitiât fon-
tem vitæ, fontem sa-
pientiæ, & scientiæ,
fontem æterni lumi-
nis, torrentem vo-
luptatis, vbertatem,
Domus Dei. Te sem-
per ambiat, te quærat,
te inueniat, ad te ten-
dat,

dat,

212 *Die Veneris*

dat, ad te perueniat, te
meditetur, te loquatur
& omnia operetur in
laudem, & gloriam no-
minis tui cum humili-
tate, & discretione,
cum dilectione, & de-
lectatione; cum facili-
tate, & affectu: cum
perseuerantia vsque in
finē. Tu sis solus sem-
per spes mea, tota fi-
ducia mea, diuitiæ
meæ, delectatio mea,
iucunditas mea, gau-
dium meum, quies, &
tranquillitas mea, pax
mea, suauitas mea,
odor meus, dulcedo
mea,

Desid. & Amor. 213

mea, cibus meus, re-
fectio mea, refugium
meum, sapientia mea,
portio mea, & posses-
sio mea, thesaurus
meus, in quo fixa, &
firma, & immobiliter
radicata sit mens mea,
& cor meum. Amen.

Igniculi pietatis.

DEfecerūt oculi mei
in salutare tuum,
& in verbum tuum su-
persperaui. *Psal. 118.*

Quare tristis es, ani-
ma mea, & quare con-
turbas

214 *Die Veneris*
turbas me? Spera in
Deo, quoniam adhuc
confitebor illi, salutare
vultus mei, & Deus
meus, *Psal. 41.*

Adeamus cum fidu-
cia ad thronum gratiæ,
vt misericordiam con-
sequamur, & gratiam
in ueniamus in auxilio
opportuno. *Hebr. 4.*

POST MISSAM.
*Gratiarum actio, &
Vox laudis.*

Pf. 117. **A** Perite mihi por-
tas iustitiæ, ingres-
sus

Grat. actio. &c. 215

fus in eas confitebor
Domino. O Domine
saluum me fac, ò Do-
mine bene prosperare.
Benedictus qui venit in
nomine Domini, Deus
meus es tu, & confite- *Isa. 129*
bor tibi, quoniã exau-
disti me, & factus es
mihi in salutem. Ecce
Deus Saluator meus
fiducialiter agã, & non
timebo; quia fortitudo
mea, & laus mea Do-
minus, & factus est
mihi in salutem. Con-
fitemini Domino, &
inuocate nomen eius,
annunciate in populis
adiu-

216 *Die Veneris*

adinuentiones eius,
quoniam excelsum est
nomen eius. Cantate
Domino quoniam ma-
gnificè fecit, annun-
ciate hoc in vniuer-
sa terra. Exulta, &
lauda, habitatio Sion,
quia magnus in medio
tui sanctus Israel. For-
titudo mea, & laus mea
Dominus, & factus est
mihi in salutem. Iste
Deus meus, & glorifi-
cabo eum; Deus patris
mei, & exaltabo eum.
Deminus regnabit in
æternum, & ultra.

Beatus venter, qui
te

te portauit, & vbera,
quæ suxisti. Beata viscera
Mariæ Virginis, quæ
portauerunt æterni pa-
tris filium; & beata,
vbera, quæ lactauerunt
Christum Dominum.

O B L A T I O.

QUID porrò, mi
Redemptor,
spes mea, re-
fugium meum, expe-
ctatio mea, referam
tibi pro omnibus bonis
tuis? Ecce enim ait A-
postolus tuus, Non

K estis

218 *Die Veneris*

estis vestri: empti enim
estis pretio magno.

Quid ergo superest de
omnibus bonis meis,
quod offeram tibi si
nec ipse sum meus?

Noui quia sacrificium
tibi est spiritus contri-
bulatus. Omnem igitur

*Psa. 50.
Lansper.
in Pha-
retra di-
uini a-
moris.*

tur hanc pressuram,
quam nunc patior, o
misericordissime Do-
mine Iesu Christe, & si
quid grauius etiam pa-
ti me volueris tui amo-
re, de manu prouiden-
tiæ tuæ, & de volun-
tate amantissimi, ac
paterni cordis tui su-
scipio,

Oblatio. 219

scipio, & pro immenso
amore tuo, quo ab eter-
no in salutem meam
hæc ordinasti, gratias
ago, Iesu fidelissime.
Quid dicam, nisi quia
peiora merui, & omni
gratia tua, consolatio-
ne, ac beneficio tuo in-
dignus sum? Idcirco ad
honorem acerbissimæ
passionis, & mortis
tuæ, in quas te vltro
pro me contulisti, offe-
ro me ad sustinendam
hanc pressuram, seu ad-
uersitatem, proponens
nullam aliam consola-
tionem, seu liberatio-
nem

K 2 nem

220 *Die Veneris*

nem quærere, nisi per
te Domine, aut secun-
dum beneplacitum
tuum. Eia, benignissi-
me Iesu, fac me, quæ-
so, totum in omnibus
secundum beneplaci-
tum tuum in agendo,
& patiendo, & volun-
tatem meam sic vnias
tibi, vt nõ aliud possim
velle, quàm quod vis.

*S. Aug.
Manual
cap. 15.*

Insidientur dæmones,
parent suas tētationes,
frāgant corpus ieiunia,
premant carnem vesti-
menta, labores grauēt,
vigiliæ exerceant, cla-
met in me iste, inque-
tet

Oblatio. 221

er
n-
-
fi-
e-
is
i-
,
l-
is
n
s.
s,
s,
d,
i-
,
l-
-
t

tet ille, vel ille, frigus
incuruet, conscientia
murmuret, calor vrat,
caput doleat, pectus
ardeat, infletur stoma-
chus, pallefcatur vultus,
infirmetur totus, deficiat
in dolore vita mea, &
anni mei in gemitibus,
ingrediatur putredo in
ossibus meis, & subter
me scateat, vt quies-
cam in die tribulatio-
nis, & ascendam ad
populum accinctum
nostrum.

incol. 8
oluntate
in hunc
action

Abat. 30

K 3 PE-

P E T I T I O .

*S. Bona.
Stimulo
diuini a.
moris.*

Proinde, Domine,
tuam acerbissimā
passionem, & igno-
miniosam da mihi in-
sponsam, & indiuisibi-
li, & indissolubili vin-
culo ipsam mihi con-
iunge. Super omnes
mulieres, id est deli-
cias, & cōsolationes tē-
porales adamaui eam,
& tamen sæpe alia su-
perinducta repudiaui
eam: nunc modò ve-
nio, & requiro eam,

Ne

Ne quaeso mecum
agas iuris rigore, sed
tuæ clementiæ dispen-
satione. Hanc ergo
da mihi, Domine Iesu,
quia hanc totis visce-
ribus concupiui, ipsa
sola mihi sufficit, ipsa
sola medullitus nutrit,
& reficit in hac vita
ipsa est vita mea, con-
solatio mea, & deliciae
meæ, ipsa lux, & sa-
pientia mea; ipsa redu-
cit, & deducit; sine ipsa
deuiio, & erro; sine ipsa
à portu salutis declino.
O bone Iesu, nihil à te
peto in hac vita; nisi vt

224 *Die Veneris*

perfectè sim tecum crucifixus in cruce. Certè, dilectissime Domine, Iesu, nolo viuere nisi moriar tecum; aut ergo da mihi mortem temporalem, aut in corde meo imprime tuam mortē. Hei mihi, quare natus sum nisi Dominum mentem Iesum amplectar in cruce, & requiescam in vulneribus eius! Magis eligo ad præsens tecum crucifigi, quàm tecum delicijs affluere. Hanc tuã vilissimam passionem volo, hanc peto, hanc
totis

Petitio. 225

totis internis concupi-
sco medullis, omnibus
pro ipsa abrenuncio, &
etiam me ipsum relin-
quo, ipsa sit mihi ani-
ma, & corpus meum,
& omnis consolatio
mea.

Anima Christi, &c.
fol. III.

Igniculi pietatis.

Pone me vt signa-
culum super cor
tuum, vt signaculum
super brachium tuum,
quia fortis est vt mors

K 5 dile-

226 *Die Veneris*

dilectio, dura sicut infernus æmulatio, lampades eius lampades ignis, atque flammarum. *Cant. 8.*

Quid retribuam
Domino pro omnibus
quæ retribuit mihi?
Calicem salutaris accipiam,
& nomen Domini inuocabo, &c.
Psal. 115.

Spes humani generis,
vncō crucis tuæ
retrahe nos ab hoc pelago:
ad te solamen vnicū nostrū,
quem à longè quasi stellam
matutinam lacrymantibus
tibus

Petitio. 227

tibus oculis in littore
nos expectantem vide-
mus. Exaudi nos Deus
salutaris noster, spes
omnium finium terræ,
& in mari longè. *Aug.*
Soliloq. B. c. 35.



K 6 DIE